



Tel: 035/668 650 A. Izetbegovića 60-2. 75246 Čelić E-mail: info@opcinacelic.ba
Broj: 02-45-1333-2/24
Čelić, 23.07.2024. godine

Na osnovu člana 72. stav (3) tačka b), člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22)(u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 04-45-1333-2/24 od 23.07.2024.godine, u postupku javne nabavke radova - Rekonstrukcija stadiona “Mehmedalija Muratović Čopak” u Čeliću, Općinski načelnik donosi:

ODLUKU

o dodjeli ugovora trećerangiranom ponuđaču

Član 1.

Prihvata se preporuka komisije za javnu nabavku broj: 04-45-1333-2/24 od 23.07.2024. godine i ugovor o izvođenju radova - Rekonstrukcija stadiona “Mehmedalija Muratović Čopak” u Čeliću, dodjeljuje se trećerangiranom ponuđaču: d.o.o. „Papilon“ Koraj-Čelić, ponuda broj: 36/24 zaprimljena na protokol ugovornog organa dana 30.05.2024.godine, po ponuđenoj cijeni, a nakon održane e-aukcije, u iznosu od 70.647,50 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na web stranici Općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

Član 4.

Ovom Odlukom stavlja se van snage Odluka o dodjeli ugovora drugorangiranom ponuđaču broj 02-45-1333-1/24 od 03.07.2024.godine za javnu nabavku radova-Rekonstrukcija stadiona “Mehmedalija Muratović Čopak” u Čeliću, koja je donesena od strane općinskog načelnika.

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 02-45-1333/24 od 24.04.2024.godine. Javna nabavka radova - Rekonstrukcija stadiona “Mehmedalija Muratović Čopak” u Čeliću provedena je putem otvorenog postupka. Procijenjena vrijednost javne nabavke iznosila je 70.684,00 KM bez PDV-a. Obavještenje o nabavci broj: 306-1-3-56-3-23/24 objavljeno je na portalu javnih nabavki dana 08.05.2024.godine.

Komisija za javne nabavke imenovana rješenjem o imenovanju komisije za nabavku broj: 02-45-203/24 od 22.01.2024.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o

pregledu i ocjeni ponuda broj: 04-45-1333-1/24 od 30.05.2024.godine, preporuku o izboru drugorangiranog ponuđača broj: 04-45-1333-1/24 od 02.07.2024.godine i izvještaj o radu komisije broj: 04-45-1333-1/24 od 02.07.2024.godine.

U postupku po izvještaju o radu utvrđeno je da je Komisija blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: OR „Metal dizajn“ vl. Softić Omer, d.o.o. „Papilon“ Koraj-Čelić i grupa ponuđača: „Mi-Trade“ d.o.o. Vražići i „ASTRA PLAN“ d.o.o. Brčko,
- da su blagovremeno primljene tri ponude,
- da nije bilo neblagovremeno primljenih ponuda,
- da ponude ponuđača OR „Metal dizajn“ vl. Softić Omer, d.o.o. „Papilon“ Koraj-Čelić i grupa ponuđača: „Mi-Trade“ d.o.o. Vražići i „ASTRA PLAN“ d.o.o. Brčko ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 03.06.2024. godine u 10:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 03.06.2024. godine u 10:28 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljnija grupa ponuđača: „Mi-Trade“ d.o.o. Vražići i „ASTRA PLAN“ d.o.o. Brčko sa najnižom cijenom, a nakon održane e-aukcije, u iznosu od 38.999,00 KM bez PDV-a.

Komisija je nakon ocjene ponuda i izvršene e-aukcije dana 03.06.2024.godine dala preporuku ugovornom organu da ugovor o izvođenju radova zaključi sa grupom ponuđača: „Mi-Trade“ d.o.o. Vražići i „ASTRA PLAN“ d.o.o. Brčko sa najnižom cijenom, a nakon održane e-aukcije, u iznosu od 38.999,00 KM bez PDV-a.

Dana 16.06.2024.godine na protokol ugovornog organa zaprimljena je žalba grupe ponuđača: „Mi-Trade“ d.o.o. Vražići i „ASTRA PLAN“ d.o.o. Brčko, odnosno predstavnika grupe ponuđača: „Mi-Trade“ d.o.o. Vražići, na odluku o izboru najpovoljnijeg ponuđača broj: 02-45-1333/24 od 03.06.2024.godine. Ugovorni organ je prije uzimanja u razmatranje same žalbe pristupio provjeri formalnih pretpostavki za ulaganje žalbe koje moraju biti ispunjene na strani žalitelja kako bi se uopšte pristupilo njenom rješavanju, a odnose se na uslovljene pretpostavke u skladu sa članom 97. i 100. Zakona, pa utvrdio da nisu ispunjeni uslovi za postupanje po istoj na način kako definišu odredbe navedenih članova. Naime, iz dispozitiva odluke o izboru najpovoljnijeg ponuđača broj: 02-45-1333/24 od 03.06.2024.godine, proizilazi da je najpovoljniji žalitelj, a iz obrazloženja iste i Zapisnika o pregledu i ocjeni ponuda od 30.05.2024.godine vidljivo je da su u postupku nabavke pristigle ukupno tri ponude, da je ponuda žalitelja prije e-aukcije iznosila 70.644,00 KM bez PDV-a, da je nakon e-aukcije sačinjena konačna rang lista tako da je žalitelj, odnosno grupa ponuđača: „Mi-Trade“ d.o.o. Vražići i „ASTRA PLAN“ d.o.o. Brčko izabran kao najpovoljniji ponuđač sa cijenom od 38.999,00 KM bez PDV-a. Uzevši u obzir prednje navedene činjenice i okolnosti, te polazeći od toga da je nesporno da je žalitelj u predmetnom postupku javne nabavke izabran kao najpovoljniji ponuđač, odnosno grupa ponuđača, to je ugovorni organ ocijenio da s obzirom na činjenicu gdje je žalitelj ostvario svoj interes za dodjelu ugovora o javnoj nabavci, da se ne može ocijeniti da je ispunio preduslove za pokretanje postupka pravne zaštite u predmetnom smislu, kako to eksplicite propisuje odredba člana 97. Zakona,

jer iz citiranih odredbi Zakona jasno proizilazi da je postojanje pravnog interesa preduslov za podnošenje žalbe, a u konkretnom slučaju žalitelj kao izabrani ponuđač, odnosno grupa ponuđača nije subjekt koji ima pravni interes i koji može podnijeti žalbu jer je već izabran za najpovoljnijeg ponuđača, te se o istom ne može govoriti kao o privrednom subjektu koji ima interes za dodjelu ugovora, obzirom da je njegov interes već zadovoljen dodjelom ugovora o javnoj nabavci. Prema tome, u konkretnom slučaju, nije ispunjen jedan od dva kumulativno propisana razloga iz člana 97. Zakona za postojanje aktivne legitimacije za izjavljivanje žalbe. Žalitelj nije dokazao ili bar učinio vjerovatnim postojanje činjenica i okolnosti na kojima zasniva postojanje pravnog interesa za podnošenje žalbe u konkretnom slučaju, kao uobičajenog sredstva zaštite prava i pravnog interesa nezadovoljnog žalitelja, ukoliko mu je takvim izborom, prouzrokovana šteta ili mu je ugrožen njegov pravni interes. Stoga, imajući u vidu iznesenu pravno relevantnu činjenicu da je žalitelj izabran kao najpovoljniji ponuđač u predmetnom postupku javne nabavke a nakon provedene e-aukcije, te imajući u vidu suštinski i formalni smisao odredbi iz člana 97. Zakona, kao i uobičajenu doktrinu nastupanja i nadmetanja u postupku javne nabavke, na bazi prednje iznesenih činjenica, ugovorni organ zaključio je da je žalitelj ostvario svoj interes za dodjelu ugovora o javnoj nabavci zbog čega nisu ispunjeni kumulativni uslovi za pokretanje postupka pravne zaštite u smislu odredbe člana 97. Zakona, jer iz citiranih odredbi Zakona jasno proizilazi da je postojanje pravnog interesa preduslov za ulaganje žalbe. Shodno navedenom, ugovorni organ je odbacio žalbu žalitelja Zaključkom o odbacivanju žalbe broj: 02-45-10/24 od 19.06.2024.godine.

Komisija je nakon ocjene ponuda, izvršene e-aukcije, uvida u zaključak o odbacivanju žalbe odnosno provjere dostavnica, dana 02.07.2024.godine dala preporuku ugovornom organu da ugovor o izvođenju radova zaključi sa drugorangiranim ponuđačem OR „Metal dizajn“ vl. Softić Omer sa cijenom i nakon održane e-aukcije, u iznosu od 39.000,00 KM bez PDV-a, a sve iz razloga što je ista utvrdila da izabrani ponuđač, odnosno grupa ponuđača „Mi-Trade“ d.o.o. Vražići i „ASTRA PLAN“ d.o.o. Brčko nije dostavio dokumentaciju koja je uslov za potpisivanje ugovora, u roku koji mu je određen u odluci o izboru najpovoljnijeg ponuđača broj: 02-45-1333/24 od 03.06.2024. godine, a koju je zaprimio dana 05.06.2024.godine.

Dana 23.07.2024. godine komisija za nabavke je ugovornom organu dala preporuku da ugovor o izvođenju radova zaključi sa trećerangiranim ponuđačem d.o.o. „Papilon“ Koraj-Čelić sa cijenom u iznosu od 70.647,50 KM bez PDV-a, a iz razloga što je drugorangirani ponuđač propustio dostaviti dokumentaciju koja je uslov za zaključivanje ugovora u roku određenom u Odluci o dodjeli ugovora drugorangiranom ponuđaču broj: 02-45-1333-1/24 od 03.07.2024. godine, a koju je zaprimio dana 09.07.2024.godine.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b), člana 72. stav (3) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke

(„Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka.

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (3x)
2. Komisiji za nabavke
3. Službi za računovodstvene, poslove trezora, privredu i razvoj
4. Za općinsku web stranicu
5. Evidenciji
6. Arhivi